



Број: **01/2-50-3-2-49/18**

Сарајево, 27. 2. 2018.

Zabilješka

sa sastanka Komisije za vanjske poslove Predstavničkog doma PSBiH s direktorom Direkcije za evropske integracije BiH

Članovi Komisije za vanjske poslove Predstavničkog doma Parlamentarne skupštine BiH (PSBiH) Mladen Bosić i Senad Šepić, u skladu sa zaključkom s 47. sjednice Komisije od 31.1.2018., razgovarali su 26. 2. 2018. u Sarajevu s direktorom Direkcije za evropske integracije (DEI) BiH Edinom Dilberovićem o okončanom procesu odgovaranja na Upitnik Evropske komisije i daljnjim koracima koje će biti potrebno napraviti prije nego što BiH dobije kandidatski status i počne pregovore o pristupanju Evropskoj uniji (EU).

Potvrđujući kako je naša zemlja odgovorila na 3242 pitanja Evropske komisije, kao i da će odgovori u Sarajevu biti predani predsjedniku Evropske komisije Jean Claudeu Junckeru, direktor DEI-a Edin Dilberović precizirao je da odgovori sadrže ukupno 20.037 stranica materijala, uključujući i 1115 zakona i drugih akata koji su priloženi uz ove odgovore.

Prema riječima Dilberovića, na poslu usaglašavanja odgovora, u okviru uspostavljenog mehanizma koordinacije, radilo je više od 1.300 predstavnika institucija na različitim nivoima vlasti u BiH. Unatoč činjenici da je svaki od tih predstavnika imao pravo veta, u 35 radnih grupa postignut je puni konsenzus oko 94 % odgovora na Upitnik Evropske komisije, naglasio je Dilberović.

Prema riječima direktora DEI-a, uz odgovore institucija u BiH, prevedeno je i priloženo i 170 odgovora nevladinih organizacija, kao i 5.347 odgovora građana BiH, koji su imali mogućnost direktno odgovarati na 35 pitanja.

Tokom sastanka razgovaralo se i o daljnjim koracima institucija EU u vezi s vjerovatnim slanjem dopunskih pitanja, koja se mogu očekivati od predstavnika Evropske komisije za pojašnjenja odgovora, te slanjem misija Evropske komisije koje će u narednom periodu od institucija BiH također tražiti objašnjenja za pojedine odgovore. S tim u vezi, naglašeno je da će, nakon što prouči odgovore na Upitnik, Evropska komisija pripremiti mišljenje koje će biti poslano svim državama članicama EU. Nakon što se o mišljenju izjasne sve države članice EU, konačnu odluku o kandidatskom statusu BiH donosi Vijeće EU.

Na sastanku je zaključeno da će o ovom korisnom i nadasve instruktivnom sastanku biti upoznati svi članovi Komisije za vanjske poslove, kao i članovi Kolegija Predstavničkog doma PSBiH.

SEKRETARKA KOMISIJE
Merdžana Iglica